

պատրիարքարանից: Պատրիարքարանը ի դէմս տեղապահ Գոյիւնեան եպիսկոպոսի բերանացի հաւաստիացումներ է տալիս, թէ ամբաստանութիւն չէ եղել: Վարդապետերը պահանջում են գրաւոր հերքում, իսկ այդ հերքումն զլացում է: Այդ երեք վարդապետները, ազգ. երեսփոխանական ժողովի անդամ էլ են: Ամբաստանութեան կէտերն են

- 1, որ առանձինն՝ ինչպէս նաև ժողովների մէջ պատրիարքարանի խնդիրներին միջամուխ են լինում.
- 2, որ տեղապահի անձին հակառակ են խօսում.
- 3, որ ժողովրդի հոգին յուզում են և
- 4, որ եկեղեցական իշխանութեան հակառակում են:

ՕՏԱՐ ԵԿԵՂԵՅԻ

ՊՐԱՆՍՍԻԱԻ ԵԿԵՂԵՅԻ

Церк. вѣст.

Ա. Պ. Բուրդի հոգիւ. Տեմարանի 400 ամեակը: Հոգևոր Տեմարանի նոր կանոնադրութիւն: Պրանսուա եկեղեցուց անշատուածներ.

Պրանսուա եկեղեցական կեանքում նշանաւոր դէպք Ս. Պետերբուրգի հոգևոր Տեմարանի հարիւրամեակի յորելեանն է, որ տօնուեց անցեալ դեկտեմբերի 17-ին:

Հոգևոր Տեմարանը իւր հարիւրամեայ գործունէութեան մէջ տուել է բազմաթիւ բարձրաստիճան հոգևորականներ, քահանաներ, գիտնականներ, հասարակական գործիչներ: Церковный вѣстникъ շաբաթաթերթի 50-51 համարի առաջնորդողները, որ նուիրուած են Տեմարանի հարիւրամեակին, թուելով Տեմարանի մատուցած ծառայութիւնները եկեղեցուն և ընծայած նշանաւոր սաների անունները, — վերջանում են հետեւեալ բառերով.

«Նւ ահա, անցեալ դարի այսպիսի պատմական ժառանգութեամբ, այսպիսի գործիչներով անցեալում և ներկայումս մեր Տեմարանը այժմ տօնում է իւր գործունէութեան առաջին հարիւրամեակը. փառք և պարծանք նրան»:

Որքան և այս այսպէս, սակայն ռուս պահպանողական լրագրները շատ էլ գոհ չեն ձեւարանով. նրանք քննելով ձեւարանը եզրակացնում են որ ձեւարանի սաները ոչ այնքան նուիրուած են եղել եկեղեցու փառքին ու պայծառութեանը, որքան իրանց անձնական շահերին, ձգտումն ունենալով մի միայն արդիւնաւոր պաշտօնների և բարձր աստիճանների տիրանալ:

— Հոգևոր ձեւարանների կանոնադրութիւն մշակող Յանձնաժողովը վերջացրել է իւր աշխատանքը և արդիւնքը բացատրական զեկուցման հետ ներկայացրել է Սրբ. Սինօդին, որը Յանձնաժողովի անդամների հետ մի քանի նիստեր կը կազմի, առաւել ևս լուսաբանութիւններ ստանալու համար:

Ներքին գործոց նախարարութեան հաւաքած տեղեկութեամբ երևում է որ 1909 թուին պրաւօսլաւ եկեղեցուց անջատուել և յարել են

կաթոլիկութեան	233,000	հոգի
արևմտեան նահանգներում մօտ	62,000	»
Բողոքական են դարձել	14,500	»
որոնցից պրեբալտեան նահանգում	12,000	»
Մահմեդականութիւն են ընդունել	50,000	հոգի
որից 49,000 կրօնական Ռուսիայի արևելեան մասում:		
Բուդդայականութեան յարել են	3,400	»
Հրէութիւն են ընդունել մինչև	400	»
և կռապաշտ են դարձել մօտ	150	»

Պրաւօսլաւ եկեղեցուց այս անջատումն սկսուել է, ասում է Церк. Вѣст., 1905 թ. ապրիլի 17-ից, երբ հրատարակուեց դաւանութեան ազատութիւնը:

Այս տեղեկութիւնը հարկաւոր է համարում Церк. Вѣст. ի նկատի ունենալով դաւանութիւնների, ընդ որս և պրաւօսլաւիէի վերաբերութեամբ նոր օրէնքների մշակութիւնը:

Յունիարի 25-ին ինչպէս հաղորդում են լրագրները,

Թիֆլիս է ժամանել Վրաստանի էկզարխ Իննովկէնտիոս Արքեպիսկոպոսը և ընդունուել է պատուալաւ վրացի հոգեւորականութեան, կառավարութեան և քաղաքի կողմից մեծ շքով և հանդիսաւորութեամբ: Նորին Բարձր Սրբազնութիւնը առաջնորդուել է Վրաց Սիօն մայր եկեղեցին, ուր խոնուած է եղել մեծ բազմութիւնս Այստեղ, ինչպէս գրում է Մշակը, Իննովկէնտիոս սրբազանը իւր ճառի մէջ յայտնել է, որ Կովկասի բոլոր ազգութիւնները հաւասար են իւր առաջ: Նա եկել է խաղաղութեան և սիրոյ պատգամներով, հաշտութեան ձիթենու ճիւղը ձեռքին և իւր բոլոր ջանքերը նուիրելու է հանգստութիւն մտցնելու հոգևոր դասի աջակցութեամբ Վրաստանի ալեկոծուած կեանքում...:

Թիֆլիզի հոյ առաջնորդարանի կողմից Սրբազան էկզարխի գալուստը շնորհաւորել է կոնսիստորի նախանդամ եփրեմ վարդապետը երկու աւագ քահանաների ընկերակցութեամբ:

Սրբազան էկզարխը իւր պաշտօնական առաջին այցելութեան ժամանակ այցելել է Հայոց առաջնորդին և մահմեդականների մութօթիին:

Այո, մի տէրութեան հպատակ այլակրօն ազգութիւնների մէջ կրօնական համերաշխութիւնը և քրիստոնէական սէրը առաջին գրաւականն է հայրենիքի խաղաղ բարգաւաճման, և ուրախ ենք, որ Սրբազան Իննովկէնտիոսը համերաշխութեան և սիրոյ առաջին կտրապետն է լինում պրաւասլաւ բարձր հոգևորականութեան մէջ:

Շնորհաւորում ենք նորին Բարձր—Սրբազնութեան գալուստն ու պաշտօնավարութիւնը Կովկասում, որ այնքան պէտք ունի խաղաղասէր պաշտօնեաների:

ԱՆԳԼԻԱԿԱՆ ԵԿԵՂԵՑԻ

—Անգլիական եկեղեցին այժմ զբաղուած է երկու խնդրով:

- 1) Աթանասեան հանգանակի պաշտպանութեամբ,
- 2) Արևելեան օրթոդոքս և պրաւասլաւ եկեղեցիների հետ միութիւն հաստատելու խնդրով:

Ոմանք ձգտում են ավանասեան հանգանակը ժամերգութեան կարգից հանել, առարկելով թէ նա սկզբում և վերջում հռչակում է, որ նրա մէջ բովանդակուած ընդհանրական (կաթուղիկէ) հաւատը անհրաժեշտ է փրկութեան համար: Թիւրիմացութիւնները հերքելու համար կատարուել է նոր թարգմանութիւն լատինական բնագրից, որ և եղել է պատճառ հանգանակը պաշտպանողներին, նոյեմբերի 4-ին (ն. տ.), Կէնտրբրիջում յատուկ ժողով կազմել, ուր միաձայն վկայուել է, որ հանգանակը անհրաժեշտ է, որպէս հաւատոյ գիտելիքները բովանդակող մի դոկումենտ, որ Ե. դարից հետէ գոյութիւն ունի:

Նոյեմբերի 17-ին (ն. տ) մի նոյնպիսի ժողով կազմուել է Լոնդոնում, ուր առաջին ճառախօս լորդ Խալիֆաքսը պաշտպանել է հետեւեալ երեք կէտերը.

Եկեղեցու պարտքն է Կ. Յոյց տալ ճշմարտութիւնը.

2, Մարդուս համար կաթուղիկէ հաւատի անհրաժեշտութիւնն ու կարիքը և հաւատից հեռանալու վտանգը.

3, Մասնաւոր եկեղեցիք իրաւունք չունին դիպչելու այն բանին, որը եկեղեցու լրութեան մէջ հեղինակաւորութիւն է:

— Հոկտեմբերի 20-ին (ն. տ.) Լոնդոնում Սիօն-կոլեջում տեղի է ունեցել «Անգլիական և պրաւօսլաւ եկեղեցիների միութեան» տարեկան 3-րդ ժողովը: Նախապէս Ս. Ալբան եկեղեցում հանդիսաւոր պատարագ է եղել: Ժողովին նախագահել է Ս. Ալբան եկեղեցու փոխանորդը. բազմաթիւ ճառեր են արտասանուել: Համոզում է կազմուել, որ անգլիական գաղթավայրերում գանուած օրթոդոքս — պրաւօսլաւներին հոգևոր պէտքերը հոգալու համար հարկ է պատրաստել նոյն դաւանութեան հոգևորականներ, հնարաւորութիւն տալով նրանցից մի քանիսին անգլիական համալսարանի դասընթացքը անցնել Լոնդոնի կոլեջում, և ուղարկել գաղթավայրերը: Ուսանողների ծախքը մօտ 400 ֆունտ ստերլինդ 3—4 տարուայ համար տալ ամեն մէկին յատուկ կազմուած «Կորհրդի» ձեռքով: Ժողովի օրը պատարագին այս նպատակով դանձանակ են շրջեցրել:

Այս ծրագրին հաւանութիւն են տուել արդէն Կ. Պօլսոյ տիեզերական պատրիարքը և Կօրֆուի ու Աթէնքի արքեպիսկոպոսները:

ԱՖՐԻԿԱՅԻ ՔՐԻՍՏՈՆԵԱՅՔ

Քրիստոնէութիւնն եւ երոպական կուրտորան նեղրերի մ.չ:

Այ շատ հեռաւոր ժամանակներում, 30 տարի առաջ հարաւ արեւմտեան Աֆրիկան, որ կոչուում է ստրուկների ափ, անթափանցելի անտառ էր ու անմարդաբնակ անապատ: Այ մի տեղ ճանապարհ չըկար և հազուադէպ կարաւանները երթիւեկում էին անյարմար շաւիղներով: Բնիկները երկրագործութեամբ համարեա չէին զբաղում: Նեգր ցեղերի մէջ կատարելապէս թագաւորում էին սնահաւատութիւնն ու անկրթութիւնը: Բնակիչները մեծ մասամբ կենդրոնացած էին մեծ գիւղերում, ընդարձակ տարածութիւններ անմարդաբնակ թողնելով: 1865 թուին առաջին անգամ այստեղ երևացին երոպական միսիօներներ (քարոզիչներ), իսկ 20 տարուց յետոյ արդէն վայրենի ցեղերը կերպարանափոխուեցին: Կուսական անտառները կիսով չափ կտրտուել էին, ամեն տեղ շինուած էին երկաթուղիներ և խճուղիներ: Վաճառականութիւնն ու երոպական քաղաքակրթութիւնը ամեն տեսակ քրիստոնէական դաւանութիւնների քարոզիչների ջանքերի հետ փոխեցին տեղացիների կեանքի պայմանները մինչև անգամ երկրի «Ստրուկների ափ» կոչումը այլ ևս չէր յիշուում: այլ նրա տեղ երևաց երկրի արեւմտեան մասի համար՝ Դադամէ և արևելեան մասի համար՝ Հարաւային Նեգրիա անունը:

Խօսելով նեգրերի մէջ քաղաքակրթութեան ներմուծման մասին պէտք է ասել, որ նրա առաջին քայլերը շատ տատակոտ էին: Շատ նեղութիւններ կրեցին, մինչև սովորեցրին նեգրերին իրանց ջանքը գործ դնել այնպիսի բաների վերայ, որովհետ են խճուղիներ յատակելը կարծրաքարով, հեռագրի և էլէքտրական լապտերների սիւներ տնկել:


Բայց այնու ամենայնիւ ևրոպացիները կարողացան ազդել վայրենիների վերայ և վերջիններս սկսել են յարաբերութեան մէջ մտնել ևրոպացիների հետ: Նրանց մի քանի գետերի և լճերի վրայ շինուած են շոգենաւեր, ավերին գանուում են առևտրական կայաններ, բազմաթիւ զանազան տեսակ նաւերը փոխադրում են տեղական ապրանքներ, որոնք ծովով ուղարկում են Եւրոպա: Նաւամատոյցներն ու նաւահանգիստները դարձան աւելի մարդաբնակ, Բնիկների զարգացումն շատ նպաստում է այստեղ աշխարհիկ և միսիօներական դպրոցներ բանալուն: Եւրոպական քաղաքակրթութեան բարերար ազդեցութեանը պէտք է վերագրել, որ բնիկները թողին մարդազոհի և մանկասպանութեան սովորութիւնները, անհետանում են ճակատազրի պաշտամունքները, գողութեան համար ձեռքը կտրելու տեղական պատիժը բաւական մեղմացել է:

Քրիստոնէութեան ազդեցութեան շնորհիւ թուլանում և ընկնում է կախարդների և նետ դնողների իշխանութիւնը: Ընդհանրապէս քրիստոնէութեան բարոյական սկզբունքները մեղմացրել են բարքերը, բայց միսեօներների ջանքերը արգելքի են հանդիպում ոչ միայն նեգրերի, այլ և մահմեդականութեան կողմից, որ տարածուած է Աֆրիկայի հիւսիսում և թափանցում է նրա ներսը:

Ուշադրութեան արժանի է, որ ևրոպացի կոյսերի օրինակը ունենում է հետևողներ, այսպէս, Աֆրիկայի կենդրոնում, Տանգանյակա լճի մօտերքում կազմուել է տեղացի սև քոյրերի ընկերութիւն: Սև քոյրերը երախտագիտութեամբ են վերաբերում դէպի իրանց ևրոպացի դաստիարակները և աշխատում են ամեն բանում նրանց նմանուել: Սև քոյրերի անկեղծ հաւատը և եռանդը հարկադրում են միսեօներներին զանազան դէպքերում դիմել նրանց, և նրանք չեն հրաժարում քարոզութեամբ պարապել տեղացի կանանց մէջ, որոնց սովորութիւններն ու բարքերը իրանց լաւ ծանօթ են:

Եւրոպացի կոյսերը միսիօների պարտք են կատարում բացի յիշատակեալ տեղերից նաև Զամբեզի վերին մասերում:

Այսպէս միսիօներն երի գործունէութիւնը ընդհանրապէս, և քրիստոնեայ կանանցը ի մասնաւորի՝ նպաստելով նեղութի արտաքին կացութեան բարւոքմանը բարձրացնում են և նրանց ներքին, հոգեկան վիճակը:



Բ Ա Ն Ա Ս Ի Բ Ա Կ Ա Ն

Պ Ա Տ Մ Ա Կ Ա Ն

II

Հայի անցեալի եւ ներկայի մասին ՏԵՍՈՒԹԻԱՆ

Թուրք - Թաթարները

Խօսենք այժմ Հայաստանում ապրող թուրք-թաթարական տարրի մասին:

Ամենահին ժամանակներից Ասիան բռնած են եղել երեք ցեղեր, որոնք գանգի, դէմքի, տիպի և ուրիշ մի քանի առանձնայատկութիւններով միմեանց հակառակ ոյժ են ներկայացրել և ընդթեան տարրերի—քամու, կրակի, հեղեղի նման անցել են մի երկրից միւսը և տեղական ազգաբնակիւթեանը կամ բնաջինջ են արել կամ ձուլուել հետը: Այդ երեք ցեղերն են.

1) Կովկասեան, որ և տիրապետող է հանդիսացել ամենահին ժամանակներից մերձաւոր արևելքին կամ Առաջաւոր Ասիային և Եւրոպային: Այդ ցեղն է սաեղծել արզի եւրոպական քաղաքակրթութիւնը:

2. Մոնղոլական, որ տիրապետող է հանդիսացել Հեռաւոր Ասիային և սաեղծել է բուն չինական կամ ասիական քաղաքակրթութիւնը:

3) Մալայեան, որ բնակում է Մալայեան թերակղզում և ոչ մի համաշխարհային դեր չէ խաղացել:

Մարդկութեան այդ երեք ցեղերից երրորդը Մալայեանը իւր փոքր թուով և խաղացած չնչին դերով, մի կողմ է ընկած: Քլիսաւոր գործող և դեր խաղացողը նախ՝ կովկասեան ցեղն է իւր հնդ-եւրոպական և սեմիտական ճիւղերով: Նրանք տուել են մարդկութեան մեծագոյն մասին կրօն և քաղաքացիական օրէնքներ և ունենալով կենսունակութեան ոյժ՝ տիրապետում են